

# Nogat man bai baim mi - Namah

I kam long pes 1

"Nogat man bai baim mi. Sapos ol i tok amamas ol i bihainim tasol olsem poroman bilong timba indastri na i no long narapela tingting," Namah i tok.

Long wanpela hap Namah i tok em i no amamas long lukim dispela ol tok amamas long wanem em i tok em i no laikim ol pipel i kisim olsem em i go long sait bilong ol timba kampani.

"Nogat wanpela kampani em mi bai lukim olsem spesol. Nogat spesol samting i stap na bipo long mi kamap memba mi mekim olsem na mi bai bihainim tasol dispela rot.

"Mi pait hat long ol papagraun i kisim K30 long wanpela kubik mita na dispela i kamap na olsem mi amamas. Nau em i taim bilong bihainim tasol dispela polisi."

Em i tok em i laik bai wanem gutpela samting em timba indastri i kamapim i mas kamapim. I olsem nogat wanpela pati - papagraun, gavman na timba kampani i kisim moa na narapela nogat.

Em i tok tenkyu na i amamas long kamap fores minista na i gat bilong indastri na i laik indastri mas kamap namba tri indastri bihain long maining na petroleum long kamapim ekonomi bilong kantri.

Long indastri yet na long em i stap minista em i laik lukim tripela samting i kamap na dispela ol samting em:

- OL papagraun (risos ona) i kisim luksave olsem ol i kisim gut mani long wanem samting i kamap long graun bilong ol. Long dispela em i tok tenkyu long minista bipo (Patrick Pruaitch) long lukim Amanab 56 Timba Limited long kisim gut pe;
- PUTIM ol prosek long tenda olsem wan wan ol kampani i aplai long winim dispela ol prosek. I noken minista i makim kampani long laik bilong em; na
- LONG lukim olsem ol timba kampani i bihainim ol polisi em indastri i kamapim.

Mista Pruaitch husat nau i Minista bilong Tresari na Fainens i tok em i sori olsem em i lusim Forestri indastri tasol i tok em i amamas bihain long em i kamapim kopret plen.

"Mi tok sori long husat em lo bilong mi i bin strong long em tasol dispela i bihainim tasol tingting em mi kisim taim mi kisim sia bilong forest minista," Pruaitch i tok.

# Isten Hailans nogut long salim spak brus long kantri

James Kila i raitim

**ISTEN Hailans provins i karim nem nogut olsem em i go pas long saplaim mariwana o spak brus insait long kantri.**

Planti ol bikpela drag o mariwana spak brus ol polisi long Lae, Mosbi na Goroka i wok long painim em as tru o gaden bilong en stret i stap long Isten Hailans.

Wanpela sinia polis konstabol na opisa i go pas long Polis Prosekusen long Goroka, James Bongi i tokaut long Wantok Niuspepa.

Isten Hailans Provinsel Polis Komanda Suprintenden Philip Solala i luksave tu long dispela na i tokim ol manmeri long ol distrik olsem Henganofi,

Kainantu, Unggai-Bena na Obura Wonenara long stopim dispela pasin bilong groim spak brus mariwana.

Las wik tasol distrik kot long Goroka i bin salim 6-pela man i go kalabus bihain long polis i bin holim pas ol dispela lain wantaim ol beg mariwana long Kasam Pas.

Wanpela bilong ol dispela man em kot i

stap kalabus wanpela yia long Bihute banis kalabus long Isten Hailans. Ol narapela 5-pela lain em kot i salim ol i go kalabus em: James Himaul bilong Wosera, Is Sepik; Peter Dage bilong Kerowagi long Simbu; Charles Nalon bilong Kep Glosta long Wes Nu Briten, Bruce Kotaram bilong Goroka distrik na Sebby Karo bilong Okapa long Isten Hailans.

Polis i bin holim pas Pataien wantaim 14.2 kilogram mariwana we em i pekim gut tru insait long wanpela bikpela beg we planti i save yusim long karim ol klos na ol arapela samting na raun long sip o balus.

Insait long haus kot bipo long majistret i bin givim mekimsave long dispela 6-pela man, ol yet i tokaut long kot olsem ol i bin go na baim ol dispela mariwana spak brus long Henganofi.

Ol i tokaut tu olsem ol i laik karim ol dispela mariwana i go long wan wan ples bilong ol long salim na kisim.

Kot i tokim Pataien bipo em i kisim mekimsave bilong em olsem gutpela ol fri kaikai na wok mani em i save mekim long Lihir em bai lusim nau na bai

stap kalabus wanpela yia long Bihute banis kalabus long Isten Hailans.

Ol narapela 5-pela lain em kot i salim ol i go kalabus em: James Himaul bilong Wosera, Is Sepik; Peter Dage bilong Kerowagi long Simbu; Charles Nalon bilong Kep Glosta long Wes Nu Briten, Bruce Kotaram bilong Goroka distrik na Sebby Karo bilong Okapa long Isten Hailans.

Polis long Isten Hailans i givim bikpela tok lukaut i go long ol yangpela husat i save groim na salim mariwana olsem sapos ol i bungim ol, ol bai kisim bikpela mekimsave stret. Husat ol lain i laik raun baim mariwana tu i mas stopim raun bilong ol i go olsem long Isten Hailans bikos polis bai putim was na redi tasol long mekimsave long ol.

Polis i tokaut olsem planti ol dispela mariwana spak brus em ol man i save karim ol go salim o senis long kisim gan. Taim dispela i kamap, em bai kamapim moa hevi bilong lo na oda long kantri olsem stil na tu kilim manmeri.

## Pasifik Teknikal Trening Koles i op

SKULIM: PNG nau i lukautim namba wan teknikal trening koles bilong Pasifik. Long dispela trening koles olgeta teknikal trening sumatin insait long Pasifik bai gat sans long kam skruim save bilong ol. James Itorian husat i sanap makim bikpela bilong dispela masin em i wanpela long ol Teknikal Trena bilong Hastings Deering. Dispela bikpela masin kampani i gat inap savemanmeri bilong givim trening long sait bilong teknikal wok.

Poto: Nicky Bernard

Lukim moa long dispela koles long ABC Wol na Pasifik Nius - PES 14



## Bikpela balus fe daunim namba bilong intanesenel turis

James Kila i raitim

BIKPELA o antap prais bilong balus tiket long kantri i mekim na planti ol ovasis turis i no save laik kam long PNG.

Narapela hevi em planti taim ol lain long imigresen divisen bilong Foren Afes Dipatmen i save isi isi tumas long stretim visa bilong ol ovasis turis husat i save laik kam insait long kantri.

Wanpela lokol tua promotu, Anthony Sega i save wok wantaim Goroka Trek na Tuas. Ol i save wok planti yia wantaim ol ovasis turis husat i kam insait long kantri na lukim ol viles na kalsa bilong yumi.

Planti taim ol i save kisim ol turis i go raun antap long Maunten Wilhem em longpela maunten insait long PNG.

Mista Sega i tok em i amamas long nupela Minista bilong Kalsa na Turisim Charles Abel husat i tokaut olsem hevi bilong bikpela prais o balus fe na isi wok long stretim ol visa bilong ol ovasis turis i save mekim na nogat planti turis i save kam long PNG.

Mi amamas olsem Turisim Minista Charles Abel i tokaut long lukluk i go insait long ol dispela hevi na promotim wok bilong turisim long kantri, Mista Sega i tok.

Em i tokaut tu olsem planti ol

turis ol i save karim ol raun taim ol i kam insait long PNG i tok olsem balus fe bilong PNG em i antap tru long wol, bikos wanpela balus kampani tasol i bosim.

Mi toktok bikos ol ovasis turis lain yet i save tok olsem balus fe bilong yumi long kantri em i antap tru, Mista Sega i tok.

em i tok planti ol dispela turis ol i save bringim ol raun lukim ol tumbuna singsing, ol bilas na kaving na tu ol naispela bus diwai na wara bilong yumi i save amamas tru. Tasol ol turis yet i save tokaut olsem ating sapos balus fe i no antap ating moa ovasis turis bai pulim lain i kam insait long kantri.

## Kamap bilong Ramu Nickel i orait: Somare

Paul Zuvani i raitim

KAMAP bilong Ramu Nickel prosek i nogat asua na rong na prosek i mas go het, Praim Minista Gren Sief Sir Michael Somare i tok.

Sir Michael i bihainim olgeta stretpela rot long givim tok orait long Saina Metulejikel na Konstraksen Kampani (MCC) long kam na developim main.

Em i mekim dispela tok long taim em i bekim askim bilong Wantok Niuspepa sapos kamap bilong dispela prosek i gat sampela asua na i rong.

Em i tok taim em i stap Maininig Minista long hap taim long 2005 em i bin go long Saina wantaim bipo Minista Sam Akoitai long bungim het meri bilong MCC Madam Lu long kam.

Bihain long dispela Madam Lu i kam long Madang na sainim agrimen wantaim Praim Minista long prosek i go het.

Na Minista bilong Maining na Deputi Praim Minista Dokta Puka Temu i tok em i no kisim wanpela tok long ol papagraun bai pasim main sapos bekim bilong askim bilong ol long Gavman i no kamap gut.

Em i tok Ramu Nickel i bikpela main long kantri long mekim wok bihain long pinis bilong Ok Tedi main na olsem gavman i no bilip wanpela samting i mas pasim ol long go het bilong prosek.

Dokta Temu i tok CMCC i wanpela bikpela investmen bilong Saina long kantri we long dispela taim mani mak bilong kisim i sanap olsem K2.5 milien. Na em i hop olsem long 2009 namba wan nikel bai kamaut.

**INDEPENDENCE SPECIAL**

**K30.00**

**Home Handyman Set (12 pieces)**

**K195.00**

**Home Mechanic Tool Kit (79 pieces)**

**K40.00**

**Homeowners Tool Kit (21 pieces)**

**K95.00**

**28 Pieces Metric Socket Set (8mm-32mm)**

**ALL PRICES INCLUDE GST**

PORT MORESBY | LAE | PORGERA | MT HAGEN | MADANG | KIMBE | RABAU | VANIMO | HONIARA

**BISHOP BROTHERS** everything for industry.

# PNG strongim toktok bilong lukautim busgraun

PAPUA Niugini (PNG) bai toktok long strongim wok bilong lukautim busgraun taim em i kamap long bung bilong ol kantri i tok long dispela wok long Bali, Indonesia long Novemba bihain long dispela yia.

Praim Minista Gren Sief Sir Michael Somare i tokaut long tingting bilong kantri taim em i bung wantaim ol kantri bilong Esia na Pasifik long Sidni (Sydney), Australia long wik i go pinis.

Em i tok em i no amamas long sapot bilong ol kantri long dispela kibung long wok bilong lukautim busgraun maski hettok bilong kibung em long daunim hevi i pas long busgraun.

Long ol i no lukautim busgraun dispela i lukim san hat tumas, nogat inap ren na ples i drai.

Ol hevi bilong san i hat planti i kamap taim

ol kantri i katim planti bus na diwai na ples i drai.

Moa yet ol develop kantri olsem Amerika, Japan, Australia na Yurop na nau Saina na India we i lukim ol bikpela fektori i stap na putim i go antap long klaut ol strongpela smok. Dispela i pasim ples bilong klaut i stap gut na mekim ren i kamap.

Taim ren i no pun-daun, ples i drai na ol bikpela ais antap long Rasia na daunbilo long Nu Silan i bruk.

Dispela i lukim solap bilong solwara i go antap na i karamapim ol liklik ailan.

Moa long dispela ol enimel long bus na graun i dai long wara. Ol man tu sapos nogat sapot i dai tu. Ol bus tu i paia na nogat ples bilong ol enimel long hait.

Dispela ol hevi i mekim na Sir Michael i



NO AMAMAS: Sir Michael Somare i no amamas long Australia na Amerika. Poto: Andrew Molen

tok strong long ol kantri i mas toktok strong long daunim namba bilong ol fektori ol i gat long en na toktok strong long wok bilong lukautim busgraun.

Ol tingting bilong PNG long Senis long Klaimet (taim bilong san na ren) em:

- MIPELA i mekim pinis wok long etresim ol hevi aninit long stap bilong mipela olsem namba tu bilong grup-Kolisen bilong ol kantri long wok bilong lukautim busgraun (Coalition for Rainforest Nations);
- DISPELA (Sidni

kibung) APEC bung i no mekim planti toktok long helpim long strongim dispela wok;

• YUMI mas strongim ol tingting bilong dispela APEC kibung long toktok bilong lukautim busgraun we ol i tokaut pinis long Unaited Nesen na Yuropien Yunion na

• KYOTO Protokol em Amerika na Australia i no givim ful sapot tasol i go het long go pas long ol toktok bilong Klaimet senis long Sidni APEC kibung.

# Goroka maket pulap long stua samting

James Kila i raitim

PRES kaikai maket long Goroka bipo i save gat gutpela nem long salim ol pres kumu na ol arapela gaden kaikai, nau yet i wok long pulap tu long ol samting bilong stua.

Olgeta 4-pela kona bilong bikpela Goroka maket nau yet i lukim planti ol lain i salim ol stua kaikai olsem paket rais, tinpis, nudels, suga, sol, sop, Omo, aiskrim na ol arapela stua kaikai.

Siaman bilong Isten Hailans Bi-Kipas Asosiesen, Jonah Buka, husat em wanpela as ples man bilong Goroka distrik i bin autim dispela tingting las wik.

Mista Buka i askim ol taun kaunsil husat i go pas long ronim bikpela Goroka maket long stopim dispela salim bilong ol stua kaikai long maket bilong pres kaikai.

Mista Buka i tokaut tu olsem planti ol lain nau i wok long muv i go insait long pres kaikai maket na salim ol hatwe tuls olsem busnaip, savol, ol siot na trausis na ol arapela samting.

Em i tok dispela pasin we i wok long lukim ol manmeri i muv i go salim ol dispela tred stua samting i bagarapim gutnem bilong dispela pres kaikai maket.

"Planti ol ovasis turis husat i save raun long Goroka na Isten Hailans i save laik long kisim poto bilong ol mama i salim ol pres kumu na kaikai.

"Tasol nau ating planti ol ovasis lain tu bai paul bikos ol tred stua kaikai na ol hatwe tuls i muv i go na kisim ples pinis insait long pres kaikai maket," Mista Buka i tok.

*Wantok Niuspepa* i bin mekim luk-luk raun i go long Bikpela Goroka maket na lukim olsem em i tru olsem tupela bikpela geit eria i go insait long maket i gat ol manmeri i salim ol stua samting.

*Wantok Niuspepa* i luksave tu olsem long wanpela hap bilong maket i gat sampela lain i praim sosis na lem fleps na salim skon na kolwara-kodi-ol.

Long wanpela kona bilong maket i gat sampela lain i pilaim musik long redio na salim ol kaset, CD na tu ol stua samting olsem sanglas, ol kep, hanwas na ol ges laita na sampela moa samting.

Mista Buka i tok olsem sampela ol dispela lain husat i salim ol stua samting olsem redio kaset, hanwas, CD na sanglas nabaut em ol sampela Saina stua i givim ol na ol i karim i go salim.

# Turisim save putim mani long poket

Papua Niugini Turisim Indastri Asosiesen (PNGTIA) i laikim gavman long luksave olsem turisim i save putim mani long poket bilong ol manmeri.

PNGTIA Presiden Michael Buleau i tokim Wantok Niuspepa dispela long stat bilong namba 4 PNG Ekspiriens Turisim Ekspo (so) 2007 long Tunde.

"Turisim i save helpim ol liklik manmeri na putim kaikai long tebol bilong ol," Mista Buleau i tok.

Em i tok PNGTIA i bai givim sapot long wanem gavman i laik givim sapot long turisim indastri.

Memba na Gavana bilong NCD, Powes Parkop, husat i bin opim dispela so, i tok wok bilong kamapim

turisim indastri i bilong ol nesenen na provinsel gavman, ol indastri memba, pravit sekta, bisnis haus, ol lain i stap long ol taun na ol ples, ol yangpela na lapun, olgeta manmeri.

Dispela turisim so olsem ol nara-pela i kamap pinis i bilong soim ol manmeri turisim indastri bilong PNG na givim sans long ol turisim bisnis long kantri long soim ol manmeri ol sevis bilong ol.

So stat aste na bai pinis long Sarere, tasol Fonde na Fraide em op long pablik long go na lukluk.

**Lukim program bilong so long pes 25.**

# Balus kampani woklain belhat moa yet nau

OL WOKLAIN husat bin wok wantaim Elink Balus Kampani long Madang i singaut strong long Gavana bilong Isten Hailans Mal Kela Smith olsem wanpela giaman man na tok kampani i mas stretim ol kwik.

Ol i mekim dispela toktok long Mande long wanpela bung long Forum Pak.

Mausmeri bilong ol Anastasia Winfrey i tok olsem Mista Smith i bin tok olsem kampani bin baim ol wokman stret tasol dispela em giaman toktok.

Em i tok tu olsem kampani bin tok tu olsem ol bai salim ol wokman bilong ol arapela provins i go bek long ples bilong ol tasol, dispela tu i no kamap.

Em tok planti bilong ol nau i no gat wok na ples bilong slip na ol hangamap nambaut wantaim ol wan-tok bilong ol na dispela i no stret.

Em i tok Mista Smith olsem wanpela memba bilong Pablik Akauns Komiti mas mekim samting stret na noken giaman nabaut olsem em wok long mekim i stap na hariap na stretim hevi bilong ol.

Long wankain taim Misis Winfrey i singaut tu long ol arapela lida bilong palamen long helpim ol wokman long dispela pait bilong ol.

"Long stat bilong dispela hevi i kam inap nau, wanpela man tasol i kam harim wari bilong mipela na dispela em Se Peter Barter.

"Dispela samting i no hevi i bagarapim mipela ol wokman meri tasol. Pablik tu husat i save yusim dispela sevis tu i kisim taim tu," em i tok.

Joe Evi wanpela arapela mausman i tok olsem ol bai mekim nois inap kampani i stretim ol.

Mista Evi i tok olsem ol wokman meri i toktok wantaim Dipatmen bilong Leba na Emploimen pinis.



## 2007 CHAMBER SEMINAR SERIES

The PNG Chamber of Mines and Petroleum will be hosting a week-long series of seminars from **October 29th to 3rd November, 2007** at the **Crowne Plaza, Port Moresby.**

### MINING October 29 & 30 2007

This seminar will update delegates on current activities in the PNG mining industry. The programme will include Project Updates, New Developments, Advanced Prospects, and Exploration.

### COMMUNITY AFFAIRS October 31 & November 1 2007

Provides a forum for Community Affairs personnel in the PNG mining and petroleum industry to hear presentations on current community affairs issues and initiatives, and to network and exchange ideas. Government, NGOs, or other business sectors with an interest in community affairs and community development are welcome to attend.

### PETROLEUM November 2 & 3 2007

This event will provide delegates with an update on current activities in the petroleum sector including Oil Project Updates, Proposals for Gas Utilisation Including LNG, New Discoveries, and Exploration.

### TRADE FAIR October 29 - 3 November 2007

The Seminar Series will be supported by a trade fair with fifteen (15) exhibition booths located in the Rapala Restaurant. This is an unbeatable opportunity to showcase your products and services to the whole PNG mining and petroleum industry in one venue.

**For further information please contact:**

**Melissa Obediah or Jacinta Towamwesi on  
Phone (675) 321 2988, Fax (675) 321 7107 OR  
email: conf@pngchamberminpet.com.pg**

# PNG polis pinisim wok long SI



TOK GUTBAI: PNG Hai Komisina long Solomon Ailan Parai Tamei i sanap kisim poto wantaim namba 4 grup bilong PNG Polis i redi long kam bek.

Poto: Bustin Anzu

### Bustin Anzu i raitim

BIHAIN long 4-pela mun i stap longwe long famili, wantok na ol wanwok, 10-pela memba bilong Royal PNG Konstabulari i kam bek long kantri.

Ol dispela polis manmeri aninit long lukaut bilong Inspekta John Kolopen, i bin go wok wantaim ol narapela polis manmeri bilong Pasifik Ailan olsem ol memba bilong Patisipeting Polis Fos (PPF) bilong Rijinel Asisten Misin Long Solomon Ailan (RAMSI).

Ol i kam bek namba tu taim long kisim wanpela mun malolo.

"Em i gutpela long kam bek long kantri bihain long 4-pela mun. Dispela em gutpela long lukim famili na kisim win bihain long wokim planti wok dispela wok misin long Solomon Ailan," Inspekta John Kolopen i tok.

PNG Hai Komisina long Solomon Ailan Parai Tamei, i bin tok gutabai long ol memba long Henderson Intanesenel ples balus i tok em i gutpela long lukim ol polis bilong ol long Solomon Ailan bihain long mekim planti wok.

"Mipela i lukim ol opisa bilong mipela wok gut wantaim ol asples polis bilong Solomon Ailan na tu wantaim ol wanwok bilong ol insait long Pasifik. Na tu ol i fit in gut tru wantaim ol asples man meri na mi tok amamas long dispela gutpela wok bilong ol," em i tok.

Em i tok tu olsem wantaim wankain kastam pasin na kalsa, ol i wok na wokabaut gut wantaim ol manmeri bilong Solomon Ailan.

Em i tok tu olsem long wok ol i mekim long PNG long polising, dispela i givim ol moa strong.

Dairekta bilong Komyuniti Polising wantaim RPNGC Supaintenden Kabib Lamu, husat i kisim ples bilong Polis Komisina Gari Baki i welkamim ol long Jackson's Ples Balus long Sarere.

Em i tok i gutpela long ol i kam na kisim malolo bihain long longpela taim lusim ples na famili.

"I gutpela long ol kam na kisim malolo long wanem dispela bai rausim sampela presa na tu bihainim ol nupela samting i kamap insait long komyuniti na kantri," em i tok.

# SELEBRETIM INDEPENDENCE LONG COURTS

**WINIM HAMPA**

Spendim K50 or moa namel long nau na 14th Septemba na go insait long dro long kisim sans bilong yu long winim Basket Kaikai mak long K500.

Dro Date: 15th Septemba 2007

**K33 Long Fotnait** Kes Prais K949

**K799 NADIA #DA8008 7 Pis Dining set**  
Blek metal freim • Strongpela timba tebol top • timba seats • Wood stain • isi long joinim yu yet

**K24 Long Fotnait** Kes Prais K669

**K569 NADI #BB4008 Dabol Slat 4' 6" Timba Freim tasol**  
strongpela bed freim tasol • stail desain • isi long joinim

**K13 Long Fotnait** Kes Prais K329

**K279 KISMAT #FA0002 230cm x 310cm Floa Rag**  
kainkain stail desain rag • igat planti sais rag • strongpela tru na bai stap longpela taim

**K1.00 DIPOSIT Tasol**

**The Courts Price**  
The Lowest Price Anywhere!

**COURTS**

**Edim valu Olgeta dei!**

**OPEN 7 DAYS A Week**

**PORT MORESBY BRANCH** Spring Garden Rd., Gordons, N.C.D.  
Phone: 325 5900 • Fax: 325 4149  
E-Mail: sales@courts.com.pg  
MON-WED & FRI. - OPEN 8:00AM - 5:00PM  
THUR - 8:30AM - 5:00PM  
SAT. 8:00AM - 1:00PM / SUN. 9:00AM - 1:00PM

**OPEN 6 DAYS A Week**

**LAE BRANCH** Milford Haven Road, Lae, Morobe Province  
Phone: 472 4800 • Fax: 472 4621  
E-Mail: courts\_lae@courts.com.pg  
MON-FRI - OPEN 8:00AM - 5:00PM  
SAT - 8:00AM - 1:00PM / SUNDAY CLOSED

IMPORTANT: Courts Ready Finance is now available for you to apply! Call into our stores for more information on the terms & conditions. Courts K1.00 DEPOSIT is subject to Terms & Conditions. See-in Store for details on this Lowest Deposit in PNG. \*Prices shown on the products advertised here is subject to change at any one time without notice. We reserve the right to correct errors and misprints. Products shown was available at the time of press printing. Some items may not be available in other Courts store. Free Gifts are subject to availability. Celebrate Independence at Courts promotion Ends 30/09/07.

## FOOTI FIVA LONG BOROKO MOTORS

**OFFICIAL AFL MEMBER**

Bilasim insait long kar bilong yu wantaim FEIVARET TIM

From **K240.00** including GST

**FRONT SEAT COVERS TASOL**

**WHO DO YOU CALL?**

**Tasol**

- Front Seat Covers
- Steering Wheel Cover
- Seat Belt Comforts
- Floor Mats

**PORT MORESBY, LAE & Mt HAGEN**  
PORT MORESBY Ph: 325 5255 LAE Ph: 472 1144 Mt Hagen Ph: 542 1933  
Email: info@borokomotors.com.pg Website: www.borokomotors.com.pg

# Skul lainim long stopim ol bus paia

**Eric Sinebare i raitim**

SKULIM ol pikinini bilong yumi long save gut long pasin bilong lukautim bus, graun na wara na ol abus i gut-pela taim ol i liklik yet.

Risets Konsavesen Faundesen (RCF) bilong Papua Niugini (PNG) em i wanpela

non gavman ogenais-esen o NGO i stap long Goroka.

Em i bin kamapim wanpela open de progrem bilong ol skul pikinini long Kundiawa long Simbu.

Dispela progrem i kamap long mun Ogas we bungim olgeta skul sumatin i stap long ele-

menteri na praimer skul.

Dispela de i kamap long Konvensen Edukesen Risos Senta (CERC) long Kundiawa.

Emmi Reresi em i kodineta bilong progrem Konsavesen Edukesen Progrem i bin go pas long dispela

open de wantaim ol wokmanmeri bilong em.

Ol kainkain pilai olsem drama, vidio so, rol plei, ol sumatin i mekim ol kainkain pilai long ol pasin bilong bus paia i kamap insait long ples bilong ol.

Mis Reresi i tokim *Wantok Niuspepa* olsem RCF i gat progrem long lainim ol tisa long kainkain save long we bilong lukautim bus, graun na wara o olgeta envaironmen bilong yumi long graun.

Em i tok olsem pasin bilong ol bikipela manmeri i no moa senis nau na i kamap nogut na planti samting bilong yumi bai lukautim em i no kamap long laik bilong yumi.

Em i tok em i hat moa long senisim ol bikipela manmeri.

Na long dispela as ol lukluk moa long ol tisa i mas lainim ol yangpela pikinini long ol dispela kain pasin, Mis Reresi i tok.

Wankain progrem i stap long ol arapela provins olsem Hagen, Lae na Simbu.

# Gavman glasim gen sapot long ol lain bilong hukim pis



**PNG YET:** Jacklyn Mark na Plen Menesa bilong Frabelle tinpis kampani Diosdado Cuanan Jnr i bin sanap long liklik hap kona bilong ol we ol i soim ol kainkain tinpis kampani bilong ol i save mekim long kantri. Dispela hap kona i bin stap insait long bikipela tuna pis kibung i kamap long Mosbi dispela wik. *Poto: Nicky Bernard*

GAVMAN bilong Papua Niugini (PNG) bai glasim gen mak bilong sapot em i save givim long pising indastri na kamapim ol nupela we long pulim ol nupela investa na ol narapela lain i stap insait long indastri long kantri pinis.

Dispela em hap tok bilong PNG Praim Minista Gren Sief Sir Michael Somare long opim bilong Pasifik Tuna Bung long Mosbi aste.

Sir Michael i tok olsem nau yet ol lain i stap insait long indastri long kantri i bungim hevi long wok long ol we kos bilong fuel i antap na mak bilong ol pis o ol narapela samting ol i kisim long solwara i daunbilo.

Gavman bilong mi i laik glasim gen

nesenel piseris lo long putim sam-pela banis long long ekspot o salim i go ovasis bilong pis ol i kolim ro skip-jak tuna we ol i hukim insait long eksklusiv ikonomi zon bilong mipela, em i tok.

Sir Michael i tok em bai askim long sapot bilong ol arapela Pasifik lida long narapela bung bilong ol long Tonga long bihainim rot PNG i kisim long strongim wok prosesing bilong tuna long rijen.

Em i tok olsem long PNG gavman i sapotim kamapim bilong ol pis fektori. Na wantaim tripela fektori nau, gavman i laik kamapim moa long ol yia i kam.

## Hepi No.1 Bondei

Mande 17 - Septemba 2007



**JADIEL MARCUS TEPU**

God i blessim yu.

Laikim yu tumas na olgeta i amamas long yu.  
Mummy, Daddy, Bata Jorlando na Bata Archielles.  
Bik Daddy, Mummy, Auntie Do na Bubu mama long R/Bow.  
Bik Daddy, Mummy na Auntie Jaylene long Tasion Brks  
na olgeta famili long Pom, Madang na Angoram.



## PABLIK NOTIS

Nambawan Super Limited, bipo i bin wok aninit long nem POSF Limited, i laik toksave long ol gutpela memba na contributing kampani insait long Kavieng olsem wanpela tim bilong em bai raun i go olsem long Kavieng long karimaut skul na wok awenes long Suparenuesen na ol prodak na sevis bilong Nambawan Super.

Ol taim na de dispela raun bai kamap i olsem:

**De: 26 - 27 de bilong mun Septemba 2007**

**Ples: National Fisheries College**

**Taim: 9 kilok moning i go inap 4 kilok apinun**

Olgeta bisnis na memba i welkam tasol long kamap long dispela.

Bikos i gat bikipela namba ol manmeri i laik sindaun long dispela bung, bikipela samting em yu mas rejistaim yu yet sapos yu laik stap insait long dispela kibung.

Long kisim moa stia na toksave o long rejista yu ken ringim Employa Rilesens Opisa long telepon 309 5270 / 309 5252 o Memba Sevises long Telepon 309 5244 na feks 321 4474.

LEON BUSKENS  
MANAGING DIRECTOR

# Kamapim gutpela haus pekpek

**TOILET:**

Wanpela wokman bilong ATprojects i holim piksa bilong 'Round Loo' toilet we ol i yusim long mekim dispela toilet.

*Poto na Stori: ATprojects*



GUTPELA haus pekpek o toilet em i wanpela hevi long planti ol rurel ples insait long Papua Niugini (PNG).

Taim i nogat gutpela toilet, ples i save bagarap long smel na kainkain sik i nap kamap tu tasol nau yet i nogat wanpela gutpela progem i kamap long stretim dispela hevi.

Ol manmeri bilong Isten Hailens provins nau i gat sans long daunim dispela hevi wantaim helpim bilong ATprojects, wanpela non gavman ogenaisesen long hap.

Long las 6-pela yia i kam ATprojects i wok long mekim ol "Atloos" o toilet long graun we yu ken sidaun na toilet, tasol ol i wok long mekim dispela bilong ol institusen tasol.

Nau ol i kisim helpim bilong Oxfam New Zealand long kamapim ol gutpela toilet bilong ol rurel komyuniti tu.

Ol manmeri bin laik long gat dispela ol toilet long komyuniti bilong ol tasol long dispela taim prais bilong ol i bin stap long k500 long mekim wanpela na ino bin i gat mani sapot i kam long dispela projek tu.

Long daunim dispela hevi, ATprojects i kamapim narapela stail bilong dispela toilet ol i kolim, "Round Loo" we i kos K48 long mekim wanpela na inap long ol komyuniti long kisim.

"Engineers Without Borders" bilong Queensland Yunivesiti bilong teknoloji helpim long testim dispela "Round Loo" toilet.

"Mipela i testim bilong wanem mipela i yusim waia bilong anis long mekim na ino mes waia bilong tanim simen long mekim dispela toilet," wanpela mausman bilong ATprojects i tok.

# Wok redi bilong ELC Sinot go het long Hagen

**Eric Sinebare i raitim**

WOK redi bilong namba 26 ELC-PNG Sinot i wok long go yet nau.

Dispela sios bung bai kamap long Oglbeng seket long Hagen distrik insait long Westen Hailans.

Oi komiti husat bai go pas long kamapim dispela bung, nau yet i wok long mekimsave long redim olgeta save na tingting long wanem ol gutpela samting we ol i ting bai kamap long dispela sinot.

Bilong opim na kamapim ples klia long dispela sios bung i gat wanpela brukim graun seremoni i bin kamap long ples we dispela bung bai kamap.

ELC-PNG Het Bisop, Dokta Sir Wesley Kigasung, husat i kam wantaim nesanel sios sekretari Issac Theo long dispela bung bilong tokaut na strongim ol lida husat i go pas long dispela wok i ken go yet long kamapim dispela bung.

Dispela taim bilong brukim graun na tokaut long wok redi i kamap pinis. Nau yet wok bung bilong sinot bai go yet, na tu olgeta wok bilong redi i stap nau long han bilong Hagen distrik.

Mista Theo, husat i planim pos long makim olsem wok bilong sinot bai go het nau.

Sir Wesley i bin autim tok bilong God na tok Jisas i stap namel long

yumi ol manmeri bilong em na wanem samting yumi mekim long nem bilong em bai stap wantaim yumi oltaim.

Sinot bai kamap long namba tu wik bilong mun Jenuari 2008.

Ekting Distrik Presiden bilong ELC-PNG, Revren Rauke Rawa i tokim Wantok Niuspepa olsem em i askim olgeta Luteran Kristen manmeri long Hagen distrik long givim han na helpim ol long lukautim dispela namba 26 sinot.

Em i tok dispela em i wanpela bikpela bung bilong sios insait long PNG na olgeta Kristen manmeri bilong Hagen distrik bai lukautim.

"Olsem na mi toksave long olgeta pikinini, susa, brata, manmeri bilong Luteran sios i stap long Hagen o arere long ples taun, sapos yupela i mas tingting long mekim ofa bilong yupela long dispela bung, em bai orait tasol," em i tok.

Sapos yu wanpela Luteran manmeri bilong Hagen na yu laik helpim, yu ken salim mani i kam long dispela beng akaun:

**2008 SYNOD KOMITI AKAUNT  
AKAUN NAMBA: 1000877879  
BSP - HAGEN  
WESTEN HAILANS PROVINS**

# Simbu bas kapsait long Ramu

**Eric Sinebare i raitim**

WANPELA bikpela birua i kamap na kilim dai tupela man long Ramu haiwe insait long Morobe Provins.

'Poronem' bas sevis em i wanpela bas sevis i save ron long Lae i go long Simbu. Dispela bas i bin bungim hevi taim em i ron i go long Lae.

Singsing wara, na wanpela lain man bilong dispela bas i painim hevi, olsem na ol i tingting long helpim dispela man na draiva i ron i go long haus sik long Ramu.

Papa bilong bas i tokim *Wantok Niuspepa* olsem draiva i tingting long hariap long kisim dispela wanplesman, nem bilong em Kunem Mitna

long Ramu haus sik. Tasol taim em i ron lusim Wata Rais, em i kamap long Boram bris klostu long Ramu suga.

Em i spit olsem na bas i tanim na kapsait. Long wankain taim, sik man na draiva i dai taim bonet bilong bas i pas long het na kru bilong em i kapsait na i dai.

Draiva nem bilong em Linus Konor, na em i bilong ples Kenangi, Wata Bung long Goroka.

Kru bilong bas i kisim liklik bagarap wantaim ol arapela pasindia.

Ripot i tok draiva em bilong Watabung long Goroka na narapela man em i bilong Ku viles insait long Simbu.

# Yusim spot long senisim pasin: Sir Arnold

"SPOT em i wanpela samting i bungim ol manmeri wantaim long luksave long ol yet na kamapim gutpela sindaun long ol komyuniti bilong ol. Yu mas laikim spot olsem wanpela samting i stap insait long yu long kamapim gutpela pilai i ken senisim laip bilong yu long kamapim gutpela pilai long amasim komyuniti bilong yu long distrik na provins wantaim."

Gavana bilong Madang Sir

Arnold Amet i mekim dispela tok tok taim em i opim namba tu Madang Provinsel Gems stat long dispela wik Mande i go pinis long Sarere i kam long amasim namba 32 independens bilong PNG.

"Yu mas mekim spot olsem em i samting bilong yu stret. Driman bilong yu long kamap gutpela spotlain i mas karim kaikai stat long distrik bilong yu na i kam long provinsel level long kamap

gutpela spotmanmeri," Sir Arnold i tok.

Em i tok moa olsem em bai lukluk long stretim ples na samting bilong pilai long Madang taun na i go daun long ol distrik bikos olgeta i bagarap pinis.

*-Michael Novingu*



# Glasim gut ol ausait welpam prosek investa

**RUREL** Indastris Kaunsil (RIC) i singaut long gavman bilong glasim gut ol foren o ausait kampani husat i laik go insait long ol welpam prosek long Papua Niugini (PNG).

Siaman bilong RIC, Brown Bai i tok gavman i mas glasim gut na lukim olsem ol investa i gat bikpela laik long kirapim welpam prosek na i no yusim welpam long go insait long ol arapela bikpela prosek olsem logging o timba bisnis.

"Mi laikim gavman long sanap strong long dispela samting," Mista Bai i tok.

Mista Bai i tok olsem long sapotim sanap bilong PNG Nesenel Implimentesen Woking Grup (NIWG) bilong Raun Tebol long Sastenebol Pam Wel (RSPO).

NIWG long Mande i bin putim aut wanpela stetmen na tok gavman i mas putim strong-pela control sistem long ol prosepel o wok plen bilong ol nupela agro forestri prosek

long kantri.

Singaut bilong NIWG i sut long ol agro forestry prosek prosepel we Nesenel Gavman na Nesenel Forestri Atoriti i wok long glasim long tok oraitim.

Ol ripot i kamap olsem wanpela lo g ol prosepel plen em long karimaut nupela "forest logging" o katim nupela bus na diwai na planim ol welpam diwai long Pomio ilektoret bilong Is Nu Briten Provins.

Narapela wanpela prosek ol i plenim long Bewani Distrik long

Sandaun Provins.

NIWG i tok long ol yia pas-taim, ol bin wokim ol wanpela prosek tasol planti i katim nating ol timba a i no planim ol welpam diwai long ol.

"I kam inap nau, bikpela kantri i putim bikpela komitmen long mekim PNG olsem eksampel o gutpela piksa long PNG i lukim na bihainim. PNG i ken gat gutpela maket na gutpela posisen na dispela i ken kamapim bikpela samting long kantri," em i tok.

## Bisnis agensim HIV/AIDS polisi kamap gut

BAHA HIV polisi developmen wantaim ol bikpela sponsa i wok long kamap gut.

Platium sponsa Steamships Trading Kampani nau i gat HIV polisi developmen komiti na 11-pela wokman bilong em i redi pinis long kamap wantaim polisi plen bilong ol.

Ol arapela kampani husat i mekim tu olsem na i stap long BAHAGrup em Datec, Coral Sea Hotels, Bird of Paradise Hotel, Highlander, STC

Hardware, STC Shipping, STC Property Divisen na Trade Winds.

BAHA i trenim Rimbunan Hijau Grup Menesa we ol i ronim wanpela trening sesen wantaim Asia Pasifik Bisnis Kolisen Egensim AIDS (APBCA) na Thailand Bisnis Kolisen Egensim AIDS (TBCA).

As tingting bilong dispela trening em long lukim ol rot we Thailand i kamapim na bihainim long abrusim sik nogut. Moa yet BAHAI lukim

olsem ol rot em Thailand i yusim long pait egensim dispela sik i gutpela na olsem em i laik lainim na bihainim.

Long Papua Niugini (PNG) long wan wan ol yia ol manmeri i wok long dai long TB na HIV.

Long dispela mun BAHAI laik toksave long ol manmeri long ol pasin em ol inap long kisim TB o HIV.

Manmeri mas was gut long TB long ol hap we ol inap long kisim HIV.

TB i abrusim mak

bilong HIV na i save kilim moa manmeri long Papua Niugini tasol inap long oraitim long marasin na i nogat bikpela kos long kisim marasin long em.

Samting em BAHAI wari em ol HIV sikmanmeri bai dai nating sapos ol i kisim TB. Sapos ol i no kisim TB ol i no inap long dai hariap.

Dokta Gua Tau, Sief Marasin dokta bilong TB long Pot Mosbi Jenerel Haus Sik i tok planti ol manmeri husat

i go long haus sik long kisim TB marasin em ol i gat binatang bilong HIV/AIDS.

Ol bagarap em TB na HIV/AIDS i kamapim long kantri:

- 56,175- namba bilong ol manmeri husat i gat dispela sik long dispela taim;
- 5995- namba bilong ol lain husat i dai long sik HIV/AIDS;
- 3730- namba bilong ol manmeri husat i dai long sik AIDS na
- 3000- namba bilong ol Anti Retroviral Tritmen.

Tasol wanem samting tru i TB. TB i sotpela nem bilong Tubakulosis (sotwin long lewa na nek).

Arapela manmeri inap long kisim sik TB sapos TB sikman i kus, toktok stret wantaim em o i serim kaikai, dring, spun, fok, plet olsem wantaim em. Ol i stap wantaim dispela sikmanmeri long rum we i pas na nogat gutpela windua long win i ron i go insait na go aut.



LAURACEAE LITSEA SP



**LITSEA:** Wanpela han diwai bilong famili diwai Litsea i soim ol lip bilong en.

**Nem bilong en:** Nogat

**Wok bisnis nem:** Litsea

**Wanem kain diwai:** Wanpela namel i go bikpela diwai i save gro inap 38 mita longpela na 1 mita raunim namel bilong en. Em i longpela diwai na het bilong em i no bikpela tumas.

**Skin diwai:** Ausait skin diwai bilong em i grei braun, i gat ol liklik hul long en na i save bruk bruk klostu klostu. Namel namba tu skin diwai bilong em i lait braun na insait skin diwai bilong em i yelo na i gat ol orens makmak na smel bilong em i swit moa.

**Diwai o timba:** Em i dak yelo i go lait. em i no hevi na i smut.

**Ol lip:** Ol lip i simpol tasol. Nus bilong em i no sap tumas na as bilong em i op. Ol lip i no bikpela. Antap em i grin na i gat planti ol liklik hul bilong wara aninit.

**Ol plaua:** I gat ol liklik plaua. Wan wan plaua i gat 6-pela lip bilong en. Long ol man plaua i gat 9-pela i ken marit na tripela i no inap marit. Ol meri plaua i gat wanpela ovari o kiau i sindaun namel long 12-pela stamen i no inap long marit.

**Prut bilong em:** Wanpela bilakpela beri. Longpela bilong em namel long 1 na 1.2 sentimita longpela. I save sindaun insait long wanpela blu grin sia. Em i gat wanpela sid tasol.

**Moa stori:** I gat kain kain spisis bilong Litsea insait long Papua Niugini.

## Nasfund helpim long mani bilong mekim haus

BIHAINIM askim bilong Hausing Minista na Memba bilong Nuku Andrew Kumbakor na Pablik Sevis Minista na Memba bilong Lalibu Pangia Peter O'Neill NASFUND long dispela wik i tokaut long givim helpim mani long ol memba bilong em long mekim haus.

Mista Kumbakor na O'Neill i mekim askim long ol pablik sevens na NASFUND i fan bilong ol manmeri husat i wok long praivet tasol NASFUND i save

olsem askim bilong tupela minista long ol wokman i mas gat haus i gutpela askim.

Na olsem em i kamap wantaim tingting long helpim ol memba bilong em long kisim mani na stretim, wokim o baim haus.

NASFUND Sief Eksekutyuv Opisa Ian Tarutia i tok stat long Septemba 1, 2007 ol memba husat i tingting long baim haus, wokim haus o stretim haus em i orait nau long ol i rausim sampela mani long seving bilong ol long

fan. Em i tok ol memba i ken kisim helpim mani sapos mani bilong ol wantaim NASFUND i antap long 10 pesen interest mani em Beng Saut Pasifik (BSP) i sasim long ol long kain askim bilong mekim haus. Moa yet "bipo long ol memba i kisim helpim mani ol bai mas pasim dispela stap bilong ol olsem memba moa long 5-pela yia," Mista Tarutia i tok.

"Tasol laspela toktok bilong kisim mani i stap long han bilong Beng, i no mipela," em i tok.

# Cat® 120H

## Motor Grader

blends productivity and durability to give you the best return on investment.



### Matched and Balanced Components

The Cat® 3126B DITA ATAAC is designed to handle the tough loads. Variable Horsepower matches torque curves to the gear to maximize response, power and efficiency. Dual air system and multi-disc oil brakes assure reliable braking control.

### Operator's Station

Low effort blade controls, electronic throttle control, EMS III monitoring system, and improved ventilation provide world-class operator control and comfort. Excellent visibility to the front and rear increase operator confidence and productivity.

### Servicability

Caterpillar® re-engineered inspection and service points, grouping them into a convenient ground level 'service center'. Ground level fueling and extended engine and hydraulic oil change intervals help minimize downtime.

Hastings Deering



**PORT MORESBY**  
Spring Garden Road, Hohola, PNG  
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LIHIR	986 4105	986 4107
KIMBE	983 5144	983 5144

Product People Commitment.  
We deliver.

**Ol Dro**

POT MOSBI RAGBI LIG 2007  
GREN FAINOL

SANDE SEPTEMBER 16, 2007

PRL 1				
1000	Hawk	vs	Kone Tigers	
anda19				
1200	Hawks	vs	Puma	B
1500	Brothers	vs	Souths	A

West Papua volibol-9-Mile

SARERE SEPTEMBER 15TH, 2007  
Meja semi fainol

1330	Thunder Boys	vs	Bara West	(ol man)
1330	Cyclop	vs	Highway Bullets	(ol meri)

SANDE SEPTEMBER 16TH, 2007

1400	Tim i lus long Sarere	vs	Lightning	(ol man)
1400	Tim i lus long Sarere	vs	Bara West	(ol meri)

MANDE SEPTEMBER 17TH, 2007

Gren fainol				
1400	Wina bilong Sarere gem	vs	Wina bilong Sande gem	(ol man)
1400	Wina bilong Sarere gem	vs	Wina bilong Sande gem	(ol meri)



RON: M&J Muruks kepten Joseph Omae i kisim wanpela lus bal na i ronawe long birua bilong em husat i abrus long holim em na i pudaun long graun. Omae i kamapim strongpela gem long helpim tim bilong em i winim namba tu SP Kap primiasip taitol bilong ol insait long tupela yia. *Poto: Andrew Molen*



VIDIO REF: SP Kap gren fainol refri, Bill Harrigan i tok pilai wantaim ol manmeri taim em i mekim sain bilong vidio refri, tasol long Papua Niugini, i nogat vidio refri. *Poto: Andrew Molen*



SINGSING: Redley na Baine Lavaiaimat wantaim Edna Elias i singim nesanel entem bilong PNG long gren fainol bilong SP Kap las wik Sande long Mosbi. *Poto: Andrew Molen*



BIKNEM: (antap) Peter Ryan (lephan) na Darren Lockyer i bisi tru long sainim nem bilong ol long ol samting bilong ol sapota bilong ol taim ol i kamap long Mosbi las wik Fraide long stap na lukim SP Kap gren fainol. *Poto: Andrew Molen*

SAPOTA: (raitban) Wanpela sapota bilong Darren Lockyer i kam wantaim bikpela sain long ples balus we i apim tru nem bilong Lockyer. *Poto: Andrew Molen*



## Namba tu raun bilong fainols

Em i namba tu raun bilong fainols resis long NRL na las 6-pela tim i stap yet long pait long go insait long gren fainol. Poto i soim top 8 tim bilong NRL i sanap redi bipo long fainols i stat las wik. Poto: AAP Image/Dean Lewis



## Bulldogs i strong moa: Hughes

BULLDGOS huka, Corey Hughes i tok dispela Bulldogs tim bilong nau i strongpela moa long tim bilong ol long 2004.

Tasol em i singaut long 2007 tim long kamapim gut-pela nem we tim bilong 2004 i karim.

Dispela nem "Dogs of War" we ol i kisim olsem wanpela strongpela tim insait long semi fainols resis we planti tim i save pret long bungim.

Tasol nau long dispela taim Bulldogs i bungim taim nogut na i lusim 4-pela gem stret.

Ol 'Dogs i no lusim 4-pela gem stret long 2005 yet i kam na dispela wiken bai ol i gat moa wok taim ol i bungim Parramatta husat ol tu i wok long ron gut tru.

Hughes i tok dispela tim bilong ol nau i ken tanim salens long taitol gen na em i bilong dispela tim i strong moa long 2004 tim.

## Bird pait strong long Kangaroo jesi

CRONULLA Sharks pilaia na Stet ov Orijin pilaia Greg Bird bai lukluk long kisim namba 6 jesi bilong Kangaroos taim em i kam pilai agensim PNG Kumuls long Septemba 23.

Bird husat i kisim ples olsem faiv eit bilong Praim Ministas IIIX (13) sait bilong Australia bai yusim dispela sans long stap insait long Kangaroo skwat agensim New Zealand long Oktoba 14 long Wellington.

Faiv eit posisen bilong Kangaroos i bin stap nating bihain long Darren Lockyer i kisim bagarap na ino inap pilai.

Bird i kisim faiv eit posisen long pilai long Mosbi pas long ol arapela olsem Braith Anasta husat bai stap long intasens.

Ol arapela husat inap pilai faiv eit olsem Mark Gasnier i stap long senta na Scott Prince bai holim hap bek.

Bird husat i pilai faiv eit na i helpim NSW

Blues long winim laspela gem bilong Stet ov Orijin dispela yia i tok em bai traime long winim lewa bilong ol selekta na traime long winim ples long sait bilong Jonathan Thurston long Kangaroo skwat.

PM's 13 skwat wantaim gavman bilong Australia bai helpim PNG long strongim wok bilong pait agensim HIV/AIDS na pasin bilong paitim meri.



PILAI HAT: Bird i tok em bai pilai strong agensim Kumuls long winim ples insait long Kangaroo skwat. Poto: Getty Images/ABC

## Folkes pasim maus bilong Mason

CANTERBURY Bulldogs kosa Steve Folkes i pasim Willie Mason long toktok long ol niusman bilong wanem em i bilip toktok bilong Mason i save mekim ol arapela tim i belhat long ol.

Tupela wik i go pinis Mason i tok Cowboys em wanpela tim we i save strong long tupela man tasol, Jonathan Thurston na Matt Bowen na bihain long dispela ol i lus long Cowboys las wik.

Folkes i bilip dispela i hatim bel bilong ol Cowboys na ol i mekim save stret long ol las wik.

Long dispela Folkes i pasim Mason long noken toktok long ol niusman taim ol i go long trening long Belmore long Tunde dispela wik.

Folkes i tok em i pret long nogut Mason i tok sampela samting gen long kirapim bel bilong Parramatta bipo long ol i bung dispela wiken long namba tu raun bilong fainols resis.

Tasol pasim maus bilong Mason em i no wanpela samting tasol we Folkes i wari long en, disiplin o pasin bilong harim na bihainim tok bilong ol 'Dogs tu i daun stret.

Las wik long gem bilong ol agensim Cowboys, penolti bilong ol i stap 12-4 na dispela i no helpim gem bilong ol.

Pasin bilong ol tu long ron i go long pasim Jonathan Thurston long kik i mekim planti sapota i singaut long ol.

Folkes i tok ol bai lukluk long daunim ol penolti long gem bilong ol dispela wik tasol wok bilong ol long ron i kam na pasim kika bai stap yet.

"Olgeta tim insait long kompetisen i save traime long putim presa long kika bai em ino inap kik gut.

"I nogat asua long dispela," em i tok.

Bulldogs tim bilong dispela wiken em; 1. Luke Patten, 2. Hazem El Masri, 3. Daryl Millard, 4. Willie Tonga, 5. Matt Utai, 6. Ben Roberts, 7. Brent Sherwin, 8. Mark O'Meley, 9. Corey Hughes, 10. Willie Mason, 11. Sonny B Williams, 12. A Ryan(c)

13. Reni Maitua, intasens; 14. Adam Perry, 15. Chris Armit, 16. Nick Kouparitsas

17. Jarrad Hickey. CANTERBURY Bulldogs kosa Steve Folkes i pasim Willie Mason long toktok long ol niusman bilong wanem em i bilip toktok bilong Mason i save mekim ol arapela tim i belhat long ol.

Tupela wik i go pinis Mason i tok Cowboys em wanpela tim we i save strong long tupela man tasol, Jonathan Thurston na Matt Bowen na bihain long dispela ol i lus long Cowboys las wik.

Folkes i bilip dispela i hatim bel bilong ol Cowboys na ol i mekim save stret long ol las wik.

### Tim bilong PM's 13 i sanap olsem;

#### PILAIA

- Kurt Gidley
- Steve Michaels
- Mark Gasnier
- Joel Monaghan
- Chris Lawrence
- Greg Bird
- Scott Prince
- David Shillington
- Robbie Farah
- Luke Douglas
- Anthony Tupou
- Craig Fitzgibbon (c)
- Paul Gallen

#### KLAB

- Newcastle Knights
- Brisbane Broncos
- Dragons
- Sydney Roosters
- Wests Tigers
- Cronulla Sharks
- Gold Coast Titans
- Sydney Roosters
- Wests Tigers
- Cronulla Sharks
- Sydney Roosters
- Sydney Roosters
- Cronulla Sharks

#### Inta- senis

- |               |                   |
|---------------|-------------------|
| Braith Anasta | Sydney Roosters   |
| Nate Myles    | Sydney Roosters   |
| Steve Simpson | Newcastle Knights |

### Cowboys noken tingting planti long Webb

OL Cowboys i kam gut long dispela sisen tasol nau ol i lusim Carl Webb husat bai no inap pilai long gem bilong ol agensim Warriors dispela Sande.

Na dispela em wanpela samting we inap daunim ol sapos ol i tingting tumas long en.

Ol i abrusim planti salens long yia taim sampela ol pilaia bilong ol i kisim bagarap na i strong na i kamap long hia na lusim Webb em i narapela hevi gen.

Long Tunde dispela wik ol i makim Webb olsem namba 18 pilaia tasol em bai mas kisim tok orait long pilai bihain long wanpela sekap dispela wik.

Em i stap redi long pilai tasol dispela seka bai lukluk long wanpela bagarap ol i painim long lek masol bilong em.

Ol arapela fowet bilong ol husat bai no inap pilai gen dispela yia em Luke O'Donnell (lek), Shane Tronc (lek skru), Steve Southern (lek skru) na Sione Faumuina (saspensen).

Tasol David Faiumu em wanpela Cowboys pilaia husat i wari tru long lusim Webb long dispela gem bilong ol.



# Lukluk bek long namba 13 SP Gems

**LAS TUPELA** wik ol manmeri bilong Papua Niugini (PNG) kam bung wantaim gen long sapatim tim bilong ol long namba 13 SP Gems long Apia, Samoa.

Olgeta gem i pinis las wik na ol tim i kam bek pinis tasol gutpela pilai ol i kamapim long hap bai stap tingting bilong ol na bilong ol PNG manmeri yet.

PNG i stap insait long 24 spots bilong 33 spots we i kamap long dispela bung tasol em i no stopim ol spotsmanmeri bilong yumi long traim hat long nem bilong kantri bilong ol.

"Mipela bai no inap stap insait long olgeta spots tasol mi ken tok olsem mipela bai pilai strong tru," Sir John Dawanicura bilong PNG Spots Federesen na Olimpik Komiti (PNGSFOC) i tok bipo long ol i go.

PNG i pinis long namba 5 ples long dispela tonamen tasol planti taim insait long resis, em i bin stap namba wan.

Ol biknem bilong PNG olsem Dika Toua, Ryan Pini, Rita Kari, ol sofbol

tim, kriket na sok tim bilong ol meri kisim gol medol long soim tru olsem PNG i no kam long pilai nating.

Long trek, Mae Koime, Toea Wisil, Andrew Doonar, Mowen Boino na ol arapela etlit i kirapim das wantaim spit bilong ol.

Wanpela husat i mekim laip i hat long ol arapela rana em Sapolai Yao husat i winim ol longpela resis isi tasol.

Planti ol nesanel na Pasifik rekot i bruk long dispela taim long etletiks na long wara Pini tu i putim mak bilong em.

Long boksing Jack Willie na ol mangi bilong em i tromoi han inap olgeta birua i pudaun na PNG tasol i sanap antap long gol medol.

Nau tim PNG bai redi long Mini Saut Pasifik Gems long Guam na tu Olimpik Gems long Beijing, Saina.

Ol etlit i luk strong moa na ol i hangre long winim moa medol na sapos dispela hangre i stap strong yet bai ol i kamapim gutpela salens tu long Olimpik gems neks ya.

## Gavana Jeneral amamasim tim PNG

**GAVANA** Jeneral bilong Papua Niugini (PNG), Gren Sief Sir Paulias Matane i tok amamas long tim PNG long gutpela gem ol i kamapim long namba 13 Saut Pasifik Gems long Samoa long las tupela wik.

Sir Paulias i tok rekot bilong PNG long pinis namba 4 long gol medol na namba 5 long totol poins em i gutpela tru bilong kantri.

Em i tok tim PNG i gat gutpela sans long winim moa medol na moa luksave i mas i go long dispela.

"Bilong wanem na yumi na stap namba wan o tu?"

"Mi singaut long gavman na ol bisnis long givim han na helpim PNG Spots Federesen long helpim olgeta spots insait long kantri," Sir Paulias i tok.

Wok bung wantaim long kamapim planti moa gutpela ples bilong pilai na trening long developim ol yangpela spotslain bilong yumi ino long ol taun na siti tasol, i mas i go long ol ruel eria tu, em i tok.

Sir Paulias i bilip wanpela samting we i mekim tim PNG i no kam namba wan tu em bilong wanem ol i no pilai long asples bilong

ol na tu i nogat inap mani long salim olgeta spots i go.

"Ol spots administreta i mas ronim gut ol spots bilong ol. Yumi mas lukluk na wok long stretim ol dispela hevi," em i tok.

Em i tok amamas tu long PNGSFOC, nesanel gavman na ol arapela sponsa long helpim tim PNG i go long dispela SP Gems.



KALAP: Mowen Boino i kalap long wanpela hedols resis bilong em. POTO: Jason Pini.

**STAP LONG BLUT:** Natalie Bart na brata blong em Dick Bart junia i soim ol medol tupela i winim long sofbol long Samoa. Tim bilong ol man na meri wantaim i winim gol medol. POTO: Andrew Molen.



TROMOI HAN: Jack Willie i putim wanpela gutpela han stret long birua bilong em bilong Solomon Ailan. POTO: Jason Pini.



MIPELA WIN: Anne Mooney (lephan), Mae Koime na Bridgette Baki amamas wantaim bihain long wanpela resis bilong ol. POTO: Jason Pini.



BASKET: Wanpela PNG basketbol pilaia i redi long skoa. POTO: Jason Pini.

# Muruks lukluk long namba tri taitol

# Lockyer pulim planti

Stori i kam long Wantok Niuspepa tasol.



**Andrew Molen i raitim**

OL I winim tupela SP Kap primiasip taitol insait long tupela yia stret na kepten bilong M&J Mendi Muruks, Joseph Omae i tok ol i lukluk nau long kism namba tri taitol long 2008.

"Sapos olgeta pilaia bilong mipela i stap yet na pilai wantaim bai mipela i kam bek strong moa neks yia," Omae i tok.

Em i tok ol i no statim gut sisen bilong ol dispela yia tasol ol i strong na i kam olgeta long fainol gen.

Omae i tok ol i lusim fes tupela raun gem bilong ol bilong wanem planti ol mangi bilong ol i kism bagarap na i no pilai.

Na taim ol i stap daunblo, Omae i tok ol i no givap tasol ol i bilip strong yet olsem ol i ken kam bek na difenim taitol bilong ol.

"Mipela i bilip long mipela yet olsem mipela inap mekim na dispela tingting i kism mipela i kam," em i tok bihain long ol i winim Argmark Rabaul Guria 42-6 long gren fainol long Mosbi las wik Sande.

"Dispela ol mangi em mipela i slip wantaim, kaikai wantaim, raun wantaim trening na pilai wantaim-mipela i save mekim olgeta samting wantaim.

"Maski sampela i ting

mipela bai no inap kam bek na winim bek taitol tasol tim spirit bilong mipela i bikpela tru na dispela em wanem samting i winim gem bilong mipela long hia tete," Omae i tok.

Na SP Bruari (SP Brewery) tu i tok ol bai sponsaim tonamen gen long 2008.

"Mipela i lukim gem i ron gut na planti gutpela pilai kamap na mipela i amamas long sapatim gem long neks yia gen," Jenerel Menesa bilong SP Bruari, Stan Joyce i tok.

Muruks i putim 8-pela trai agensim Gurias husat ol i skoa wanpela taim tasol wantaim kepten bilong ol na 2007 Golden but wina, Menzie Yere.

Gurias i skoa pas tasol

spit na stail bilong Muruks i gutpela tumas.

Gem bilong ol i olsem ol i pilai ragbi tas.

Long hap taim ol i go pas 20-6 na long namba tu hap bilong gem ol i kam bek .

Ol i putim narapela 22 points gen long givim ol 42-6 fultaim skoa.

"Neks yia mipela bai kam bek strong na gutpela moa," Omae i tok.



AMAMAS: Ol Muruks pilaia i apim na karim David Mabey, papa bilong Mabey & Johnson husat ol i sponsaim Muruks tim. Mabey i kam long Yurop (Europe) long lukim tim bilong em i pilai long gren fainol na ol pilaia i amamasim em gut tru. *Poto: Andrew Molen*



TROMOI HAN: Lockyer (lephan) na Ryan i tromoi han long ol sapota bilong ol long ples balus taim ol i kam daun las wik Fraide.

*Poto: Andrew Molen*

Stori i kam long Wantok Niuspepa tasol.

**Andrew Molen i raitim**

DARREN Lockyer em fevret pilaia bilong planti manmeri long Papua Niugini (PNG) na ol i sotwin nating taim em kam daun long Mosbi las wik.

Long ples balus yet, planti yangpela manmeri pulap long banis long traun na lukim kepten bilong Brisbane Broncos, Kwinnsen Maroons na Australian Kangaroos i kam daun.

Lockyer na narapela bipo wanpilai na nau difens kosa bilong Broncos, Peter Ryan i kamap long lukim gren fainol bilong SP Kap long Mosbi las wik Sande.

Namel long tupela Ryan wanpela i tok em i lukim wanpela SP Kap gem pinis.

"Mi lukim tasol long TV, wanpela gem we bipo Marcus bai bin pilai long en," Ryan i tok.

Tasol tupela wantaim i bilip olsem ragbi lig em i strong tru long PNG.

"Mi kam pilai long hia wantaim Kangaroos na tu long ol stori mi save harim na lukim, mi ting ragbi lig long PNG em i strong tru, mi no save ating em i strong moa long mipela long Australia tu," Lockyer i tok.

Em i tok em i save olsem em i gat planti sapota long hia na em i save amamas long kam long PNG na bungim ol manmeri.

"Sapos mipela i bungim ol bai mipela i amamas tasol long sekan na toktok wantaim ol na sainim ol samting bilong ol," Lockyer i tok.

Long Fraide nait, Lockyer i givim Golden but awod long Menzie Yere na long Sande em i givim SP Kap trofi long Muruks kepten Joseph Omae.

Tupela i lukim gren fainol long Sande na i go bek long Mande dispela wik.

## Lae tasol gat junia basketbol progrem

LAE Sprite basketbol asosiesen (LBA) em i wanpela tasol we i gat skul kompetisen na junia developmen progrem-wanpela samting we ol i amamas tru long en.

Presiden bilong LBA, Timothy Lepa i tok long wanpela stetmen olsem ol i wanpela tasol insait long Morobe Provins na kantri husat i gat dispela progrem na ino long taim bai ol i kamap wanpela tasol insait long Pasifik rijen tu.

Em i tok tokaut tu olsem Nesenel Junia Basketbol Sempionsip bilong dispela yia bai kamap long Lae.

"Lae i winim planti ol junia sempionsip taitol pinis tasol mi no bin amamas taim nogat wanpela bilong ol i stap insait long nesanel tim bihain long nesanel sempionsip dispela yia.

"Nau mi lukluk long ol i mas kism olsem 4 o 5-pela insait long tim i go long mini Saut Pasifik Gems long Guam neks

yia," Lepa i tok.

Em i tok klia long ol arapela senta husat bai kam long dispela tonamen long Lae olsem ol i noken wari tasol i mas kamap long mipela.

"Mipela bai lukautim yupela long wanem kain rot mipela i ken helpim.

"Mi olsem siaman bilong oge-naising komiti singaut long olgeta skul na lokol basketbol asosiesen insait long kantri long salim wanpela tim i kam long dispela sempionsip bilong wanem em i gutpela long developmen bilong basketbol," Lepa i tok.

Wanem ol skul o tim i laik save moa long dispela tonamen i ken ringim siaman long 682 4209 o Dijicel (Digicel) telepon long 728 5008 o Mista Gorogo long 479 1025 o mobail namba 690 1001.

Long wankain taim LBA i tokaut long tupela strongpela junia tim bilong ol aman na meri long i kam long skul kompetisen

na LSBA kompetisen.

Tim i sanap olsem, junia tim bilong ol man; Aaron Dagi, Donald Kala, Tutsy Kolis, Mika Loko, Robert Davies, Jason Likius, Sam Uvao, Yakam Henry, Jason Paul, Gregory David, Simon Kolis, Darren Balamus, Noah Giali, Terence Nawas, Ivan Nawas, Sibona Kala, Russel Stafford. Roderick Gairo, Gabi, Mael Nalau (kosa).

Junia tim bilong ol meri em; Kim Ross, Maxi Michael, Thecla Naru, Lucy Michael, Martha Saki, Vicky Watch, Philipa Journkalop, Julie Geibob, Elanga Muttu, Pamela Jeffery, Vanessa Tiac, Judy Robin, Regina Ray, Josie Sam, Corah Tommy, Hellen Naru, Albina Journkalop (kosa), Jack Yakam (asisten kosa).

Het kosa bilong tupela tim wantaim em Ben Davis, Mesa Sere Kala em menesa bilong ol man na Veronica Michael em menesa bilong ol meri.

## Strongim spots, banisim sik AIDS

SAPOS yu laik kamap nambawan spotsman long kantri, yu noken kism sik AIDS.

Dispela em toktok bilong Presiden bilong "I gat hope" na tu man husat i save makim pes bilong ol lain i gat sik AIDS, Peter Momo.

Momo i toktok long Trinde dispela wik long Mosbi taim PNG Spots Federesen na Olimpik Komiti (PNGSFOC) wantaim ol arapela oge-naisesen na spots i lonsim wanpela progrem bilong yusim spots long pait agensim sik AIDS long PNG.

"Mi save laik kamap wanpela Kumul pilaia tasol taim mi kism dispela sik, mi save olsem mi bai no inap pilai ragbi lig moa," Momo i tok.

Na mi amamas tru long kain progrem i kamap bilong wanem em i mekim mi bilip olsem toktok bilong AIDS bai go long planti yangpela manmeri long kantri, em i tok.

Ekting Dairekta bilong Nesanel AIDS Kaunsil, Romanus Pakure i tok nau yet 18, 484 manmeri gat sik AIDS na olgeta mun i save gat tu o tripela nupela ripot bilong AIDS i kamap.

"Dispela sik i wok long go bikpela long ol rurel eria na planti bilong ol em ol yangpela manmeri.

"Mi save olsem spots bai helpim gut tru bilong wanem em bai go stret long ol yangpela husat planti save bihainim spots," Pakure i tok.

Minista bilong Komyuniti Developmen na Sosol Welfea husat i lukautim tu spots, Dame Carol Kidu i tok olgeta lukluk nau i mas go long stopim AIDS bipo em i kamap na tu long ol lain husat i gat dispela sik pinis.

"Mi save bilip long tupela rot we inap helpim long stopim dispela sik, dispela em sios na spots.

"Long spots, toktok bilong AIDS i mas go daun olgeta long Pikinini Spots levul, stat long ol anda 12 kris-mas," Dame Carol i tok.

Seketeri Jeneral bilong PNGSFOC, Sir John Dawanicura i tok ol spotslain bilong PNG i gat wok long lukim nogat pasin nogut i kamap long bagarapim ol lain husat i gat sik AIDS.

- Andrew Molen